

Leev Tante Finchen,

us de Rubrik „dä Amtschimmel dächt wiehere“ han ech jet erfahre, wat ech esch janit jlöwe konnt. Bei en Strossesperr dörch de Polente, met blenkendem Blaulecht, kohmen us dem Auspuffröhr von dem VW-Bully (jröne Minna) permanent kleene stenkende Wölkskes erus. Ech op dä Schupo loss un han dem jefrocht: Woröm mäkst du di Auto nit us?



Säht doch de Kähl: Wenn ech dat mach, es spädestens ennen halve Stond de Batterie leer! Do hann ech mech sprachloss ömjedriht on han so bei mech jedacht: Wenn du met dinnem Auto on lopendem Motor erwischt wöhist, dann häste drektelang e Knöllche an de Fott! Do kütt m'r sech schon e besske verkackeiert vör.

So, jet angeres. Op de Schötzeversammlong verzellt ons doch dä Scheessmeister, dat em Orebleck kinn Scheessleiterpöfonge dörchjeführt wähe. Dä Jronnd doför es, dat all die besjetz e entsprechend Zeuchness usstelle durfte, op Jronnd von en neue Jesetzeslare doför nit mih bereschtscht send. Hand do ons Politiker wedder emol dat Keng mem Bad usjekippt, on us Onkenntnes von de Sachlach nem Jesetz zojestemmt, wat em reschtije Läwe an de Realität vörbei jeht?!

Et es nur joht, dat för ons Biatlethe en Usnohm jemaht wohde es, denn wo wöre mer sons ohne de janze Joldmedallje em Nazionevörjleich jelandet!? Äwwer wie wohr dat mem Jleichheitsprinzip „vör em Jesetz sen all jleich – äwwer einije send jleicher.“

Lev Tant, wat Johdes kann ech dech berechte. Zom Vorelscheesse von din Schötzefreunde kannste ohne Sorje kohme. Jejen de jrassierende Vorelripp send vill Vörsechtsmossnahme jetroffe wohde, öm de Ansteckungsjefahr uszoschalte.

- 1) De Vöjel wähe esch onmittelbar vör dem Scheessbejenn us de Karantänestation jeholt.
- 2) Erömsireunende Deere, ensbesondere Katze wähe enjefange, an de Ling jeläht on esch nohm Eng von de Scheessveranstaltong wedder lopejelote.
- 3) Dä dörsch freiflejende Vöjel oprädende Driss, wöhd stondsfoß von anwäsende Fürwehrlütt met enem Wasserstahl fottjemaht.
- 4) Sollten trotzdem ener jet von de Vorelripp merke, kann die oder däjenije dat Scheesse us em Sauerstoffzelt wiederkicke.



Dozu kütt, dat äldere Lütt - on dozu jehöst du jo och - jäje Vorelripp on angere Seuche immun send.

So, lev Tant, jenoeh jeschreewe, mer send ons jo beim Scheesse, bliev jesond on marer, bes dohin

Din Hänschen